

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0057560 25
Zenica, 08.04.2026. godine

OPĆINSKOM SUDU U ZENICI
Sudiji za prethodno saslušanje
ZENICA

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, podižem

OPTUŽNICU

Protiv:

K.E., neosuđivan,

što je:

dana 10.03.2024. godine, u Z., na ..., suprotno odredbama člana 4. stav 1., 2, 3. i 5., a u vezi sa odredbom člana 19. Zakona o sprečavanju i suzbijanju zloupotrebe opojnih droga, kod sebe, radi dalje prodaje, neovlašteno posjedovao opojnu drogu „Cannabis“ koja sadrži psihotropnu supstancu tetrahidrokanabinol (THC) upakovanu u pet pvc paketića neto mase: 0,822 grama, 0,828 grama, 0,823 grama, 0,790 grama i 8,499 grama, iako je bio svjestan da je posjedovanje opojne droge radi dalje prodaje zakonom zabranjeno, što je i htio, koja droga je pod rednim brojem 13. Liste opojnih droga i rednim brojem 26. Liste psihotropnih tvari iz tablice I „Zabranjene tvari i biljke“ proglašena kao takvom, a koju je dobrovoljno predao policijskim službenicima PU ... prilikom kontrole,

dakle, neovlašteno radi dalje prodaje posjedovao kod sebe opojnu drogu,

čime bi učinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.